

Headline	Rumput Padang Golf Tempatan	Language	MALAY
Date	25. Jul 2008	Page No	12
Media Title	Utusan Malaysia	Article Size	916 cm ²
Section	Supplement	Frequency	Daily
Circulation	238082	Color	Full Color
Readership	833287	AdValue	12915.09



MUKA 12 **Mega BIOTEK** UTUSAN MALAYSIA — JUMAT 25 JULAI 2008

DR. Mohd Said Saad menunjukkan green padang golf Universiti Putra Malaysia (UPM) yang ditanam Satiri.

Rumput padang golf tempatan

Oleh LAUPA JUNUS

BAGI pemain golf, keadaan rumput di lapangan permainan penting kerana ia boleh mempengaruhi prestasi mereka semasa bermain. Permukaan green merupakan kawasan yang perlu diberi perhatian kerana putting boleh dilakukan dengan lebih baik dengan bantuan rumput yang sesuai. Di negara ini, rumput untuk kawasan green kebanyakannya menggunakan varieti/species luar negara. Namun sama ada ia menjasaskan prestasi pemain atau sebaliknya belum pernah kedengaran rungutan mengenainya. Bagaimanapun, seorang penyelidik dari Fakulti Pertanian, Universiti Putra Malaysia (UPM), mempunyai khabar gembira bagi pemain golf yang ingin mencuba kelainan bermain di padang rumput ciptaananya.

Penyelidik terbabit, Prof. Madya Dr. Mohd. Said Saad yang menamakan rumput ciptaananya itu sebagai *Satiri* berkata, ia merupakan rumput yang lebih halus dan 'kerdiil' berbanding rumput golf sedia ada dan tahan kepada kekangan air dan lindungan.

Ketika berkongsi kepada *Mega* mengenai faktor pendorong beliau menjalankan penyelidikan tersebut, beliau memberitahu, ia bermula apabila terdapat pengusaha padang golf memintanya membantu mengatasi masalah rumput di green.

Pengusaha berkenaan memberitahu beliau rumput green agak kasar dan terdapat jenis lain yang tidak dikehendaki atau wujud yang wujud sebagai tempok, ia menyebabkan permukaan green tidak cantik dan mengganggu halaju bola semasa putting.

"Ini menyebabkan saya mula berfikir bagaimana membentuk rumput yang sesuai untuk keadaan tempatan," katanya memberitahu bahawa rungutan itu dibangkitkan ketika permainan golf menjadi semakin popular dan banyak pada padang golf dibina.

Beliau seterusnya menjelaskan, pada tahun 1997, beberapa padang golf memintanya melihat masalah green yang banyak tempok weed.

Beliau kemudian mula buat penelitian dan mendapat banyak tempok ini adalah weed dari pencemara daripada spesies lain dan rumput yang telah bertukar sifat.

Dr. Mohd Said, menganggap ia mungkin berlaku kerana perubahan

genetik dan ada antaranya sesuai pada keadaan persekitaran tempatan dan terus hidup.

"Saya ambil sampel di seluruh Malaysia yang jumlahnya 117 dan selepas penelitian dari sifat morfologi, sebanyak 15 darinya mempunyai sifat yang baik untuk green, halus dan renek," ujarnya lagi.

Kajian lanjut dijalankan dengan menggunakan 15 sampel 1998 termasuk kajian DNA.

Selaras itu, beberapa siri analisis di jalankan iaitu morfologi pada 1999-2000, ujian daya tahan lindungan (2001-2002) dan kekangan air pada 2002-2003.

Selaras itu, satu daripada 15 sampel menunjukkan sifat berpotensi dan ia kemudian diijuh pakai di padang golf UPM pada 2004 sebelum dinamakan *Satiri*.

Penyelidikan tersebut tidak menggunakan sumber kewangan dari geran penyelidikan sebaliknya ia dijalankan dengan melibatkan pelajar bachelor yang menyiapkan projek tahun akhir.

Sebanyak empat pelajar peringkat bachelors menggunakan penyelidikan ini untuk projek tahun akhir mereka dan anggaran kosnya adalah sebanyak RM70,000.

Satiri sebenarnya diperoleh daripada hasil kajian teliti yang mana sampel diambil dari green yang ditanam dengan pelbagai spesies termasuk *Zoysia spp.*, *Cynodon dactylon* dan hibrid interspesies.

Satiri yang terpilih adalah sampel weed yang diambil dari green yang ditanam dengan *tifidwarf* yang merupakan hibrid antara *Cynodon dactylon* x *C. transvalensis*.

Satiri mempunyai sifat renek, internod (jarak antara ruas) yang lebih pendek, daun yang halus yang memberikan permukaan turf rata dan licin yang disifatkan sangat sesuai untuk green di padang golf.

Satiri boleh dipotong sehingga tiga milimeter (mm) dan masih mempunyai lapis permukaan daun yang cukup untuk meneruskan pertumbuhan.

Warna daunnya agak gelap dan menjadikan green yang ditanam dengan rumput ini menarik, manakala akarnya pulpa panjang dan banyak.

Menurut Dr. Mohd. Said, rumput tersebut sesuai digunakan bukan sahaja untuk green di padang golf tetapi juga untuk *lawn bowl*.

Malah, ia juga sesuai digunakan untuk tanaman rumput halaman rumah kerana ciri-cirinya yang menyerupai permaidani.

Namun katanya, setakat ini, beliau berharap dapat menarik perhatian pengusaha padang golf dan *lawn bowl* di negara-negara tropika seperti ASEAN.

Mengenai sama ada ciri-ciri rumput tersebut sesuai untuk meningkatkan kelajuan semasa putting, beliau berkata, ia boleh dikawal dengan membuat pemotongan pada ketinggian berlainan.

Satiri boleh dipotong rendah hingga tiga mm untuk dapatkan kelajuan yang tinggi (9-12).

"Kelajuan boleh dikurangkan dengan meningkatkan ketinggian pemotongan, jika dipotong pada ketinggian antara 4.5 mm kelajuan turun kepada 8-9."

"Satiri lebih istimewa kerana ia boleh dipotong rendah secara berterusan tanpa kesan kepada pertumbuhannya," ujarnya.

Ciri-ciri

- Renek atau *superdwarf*
- Internode sangat pendek dan daun halus), pertumbuhan yang 'vigorous'
- Warna daun hijau gelap, mempunyai toleransi sederhana pada kekangan air dan lindungan.

MORFOLOGI rumput *Satiri* menunjukkan ia lebih kerdiil berbanding rumput yang biasa digunakan di padang golf.